

盧忠肅公集



明大司馬盧公集卷之三

撫楚奏議目錄

到任謝恩疏

封疆大利大害疏

附致閣部及楚中諸老啟

辭總理五省軍務疏

恭報防禦協剿疏

統兵入豫疏

陳會剿大端并量請馬匹疏

請差風力科臣監軍疏


明大司馬盧公奏議

卷三

目次

狡賊乞降疏

請敕各路援兵疏



明大司馬盧公奏議卷之三

宜興盧象昇建斗著

會稽後學施惠重刊

同里後學李庚校字

一撫楚奏議

到任謝恩疏

崇禎八年六月十四日准吏部咨爲缺官事該本部等衙門會推奉旨是盧象昇陞都察院右副都御史巡撫湖廣等處地方兼提督軍務寫敕與他欽此欽遵備咨到臣臣隨恭設香案望闕叩頭謝恩於本月二十一日移鎮襄陽候代本月二十七日准先任撫臣唐暉委武

明大司馬盧公奏議

卷三

一

昌府推官李春綦護送達字一百五十一號符驗一道欽頒監兌漕糧敕書一道令旗令牌八面副巡撫湖廣銅關防一顆并吏書文卷到臣除收掌接管行事外臣自思力怯心長才祿任鉅悚惶圖報之下情已披瀝于微臣竭蹶鄖疆及遵旨就近任事兩疏今當會師剿寇之日全楚封疆所待綢繆拮据因革興釐者非止一事一節而目前最急無如兵馬錢糧尤必微臣身在行間庶便率勵文武軍事事親爲料理今卽于襄陽督兵防剿秦寇不敢循到任之例遠赴省城且新治臣尙未入境卽事猶臣事也一應機宜臣當早夜竭蹶隨時據

實上間期報聖恩于萬一而已爲此具奏

明大司馬盧公奏議

卷三

二



實上間期報聖恩于萬一而已爲此具奏

封疆大利大害疏

臣切觀今日事勢所最急者邊方禦口腹裏剿寇此外皆屬可緩乃通計各省情形大率寇多於兵兵多於食夫兵不足以剿寇安用糜食以養兵食不足以供兵豈不驅兵而爲寇故任封疆之事握軍旅之籌者未有不通盤打算徹底綢繆而能濟者也臣昔在鄖言鄖于今在楚言楚楚係腹地前此原無額兵自崇禎六年十二月內大寇入鄖荆襄鼎沸舊撫臣唐暉方請畱新餉調集施筭等兵以資戰守蓋幾兩年於此矣顧畱餉有限楚鄖兩地主客兵皆取給焉茲臣接管方將竭澤是憂

明大司馬盧公奏議

卷三

三

巧炊無術而據報秦寇多極橫極督臣誓血忱以剿之兼晝夜以圖之聞其勢仍叵測且商雒數大股復逼鄖境矣臣受任全楚駐兵襄樊會城未敢一過他務不遑經理惟當一意辦賊因伏而思之賊久蔓延到處狂突此封疆之大害也厚集兵力隨地協殲則封疆之大利也用兵連歲餉竭師疲此封疆之大害也簡練飽騰作其朝氣則封疆之大利也餉無定額日日請之朝廷終歲養兵未嘗見德一朝乏食輒起戒心此封疆之大害也稍假便宜時時得以展布居常足食不患脫巾臨敵感恩爭相奮勵則封疆之大利也至於馭兵無法而煩

擾地方措食無方而重糜公帑否則急徵橫派以濟之使國儲日窘于上民窮思亂于下此封疆之大害也如能悉心講究因事補苴又且力肩勞怨以任之使餉有餘地而不盡仰給司農兵皆宿飽而不至重苦子遺則封疆之大利也然此四大關鍵求其有利而無害豈易言哉頃臣至襄交代卽赴郢謁陵與按臣余應桂再四商量求足食足兵爲楚省萬全之計此時主客官兵大約一萬八千有奇分布郢楚要地以供會剿已經另疏會題夫此一萬八千者現今捍禦鄖陽并鎮臣秦翼明統率之以剿賊郢境聽新治臣宋祖舜調度已去九千

明大司馬盧公奏議

卷三

四

餘此外防護承天陵寢者三千分阨德黃要隘者二千微臣親督于襄光境上會剿者亦僅三千楚境甚遙水陸數千餘里處處接連秦豫賊至而剿不勝剿賊未至而防不勝防楚兵實實存乎見少今秦寇正熾急宜調募加增微臣熟計深籌馬步兵非二萬四五千不可馬步兵一歲所需之餉非三十七八萬不可尤非兵皆精選有一名卽得一名之用餉皆確數用一分卽得一分之濟不可我皇上宵衣旰食所軫念者封疆所焦勞者餉額倘嗣今以往歲需三四十萬金錢盡仰給于朝廷惟正之供則京邊缺額難支計臣如何措手微臣謹不

敢出也况近奉明旨防兵不准動畱餉從前所用方虞
銷算之難向後急需作何支撐之術如以正餉不易開
銷措餉苦無款項而或者圖減兵以就食又或者驅餒
卒以從戎則債事可立而待臣諠又不敢出此也計惟
有搜刮設處捐輸三事可少佐公帑之窮但微臣初事
手眼未習楚疆遼廓事勢艱難行之倘一不當非釀厲
階卽滋叢脞其爲害也究竟亦地方受之臣同按臣余
應桂會檄司道府廳州縣等官儘力搜求多方措處自
臣等撫按衙門以及郡邑以及衛屯凡可清釐裒益酌
盈濟虛誓必矢諸天日從頭徹尾夙夜籌之除前奉旨

明大司馬盧公奏議

卷三

五

防兵派米十萬石約可抵銀八萬兩此外合全省而搜
處一番不病民不損國如可得十四五萬金并前米銀
歲足二十三萬爲朝廷養兵剿賊固圉安疆斯實封疆
之吏忠於皇上之職分而未敢必也倘藉諸臣急公共
濟搜處如數如期便省朝廷正餉十分之六其餘十五
萬之數勢不容不呼籲于聖明臣查他省用兵俱取給
新餉夫歲需止十四五萬以奠全楚封疆若併此而不
能得之於計臣臣實無所措手矣矧臣所云馬步兵二
萬四五千者非僅守兵實皆戰兵也非僅全楚戰守之
兵實大半供鄖中三面戰守之兵也若秦寇朝平楚兵

便可暮撤卽搜處可以不言况畱正餉哉目今寇氛孔棘鄖楚一帶陳兵境上向臣呼庚呼癸者如總如林臣搜刮捐輸設處之檄已兩下星馳但於無中生有猶同望救西江勢難旦夕應手則臣所請正餉十分之四應自臣六月二十九日交代爲始必經部覆允畱按日通盤打算俟寇平兵撤截日住支臣乃得一意辦賊報聖明任使之殊恩耳楚事應言應行者甚多第一緊關無如兵食伏乞皇上敕下戶兵二部速覆施行

明大司馬盧公奏議

卷三

六

都御史盧象昇爲秦寇橫甚楚鄖備禦不得不嚴不
肖遵旨駐師襄樊扼剿境上標下戰兵不過二三千
耳又皆新經簡閱者猝難應手大督洪亨老以欽限
迫期銳意剿蕩賊衆數十倍於我是以大帥摧鋒陷
陣而亾秦兵諸路失利良可惜也其情更可原而其
事尤可慮也秦事旣難收拾目前仰仗台庇楚邦暫
爾救寧急當講求勝著以待蓋封疆不可嘗試而况
藩封又况陵寢所謂勝著足食足兵是已有食不患

明大司馬盧公奏議

卷三

七

無兵有兵不患多賊楚中向來失策全在賊至而後
徵兵兵集而後議餉所議之餉又恒請十得五其安
能有濟乎不肖無識無才謬承老先生推轂而荷聖
天子深恩報稱夙心天日爲矢敢不身肩勞怨拮据
封疆竊觀今日流孽非旦夕可平且爲數實不止百
萬而各省報疏每言一二十萬或者慮駭廟堂觀聽
乎不肖在楚言楚若不將楚兵楚餉從頭徹底經營
擘畫一番必至因循僨事今茲會陳兩疏字字血忱
也夫以全楚之廣孤鄖之危其戰守諸兵非得三萬
精强者不可今不得已而議二萬四五千合之似見

其多分之仍見其少兵至二萬四五千如在邊關歲
需月餉行鹽約費金錢六七十萬不肖刻意節嗇止
以三十八萬計顧與地方官搜處十五萬遵旨防兵
派米可得八萬此外但以十五萬仰給朝廷如以供
邊方戰卒及客旅調援止當六七千兵餉額耳况黔
還楚餉歲以四十餘萬計近來大督朱恒老又續還
數萬設或黔事未結此四五十萬楚餉猶然逝波也
安得中分其半以濟京邊乎蕞爾貴陽曾不及楚中
兩大郡又無陵寢又無藩封全楚且悉索做賦以供
之此時楚境日患剝膚楚民久在湯火倘乞畱黔餉

明大司馬盧象昇議

卷三

八

三分之一以自餉不得楚殆不可爲矣台臺乃社稷
臣上之國事關心下之蒼生在念萬祈昌言會議定
力主持俾疆吏得奉以從事小疏已奏達宸衷鵠候
俞綸若三請不得願免官詣闕早聽朝廷處分讓能
者爲之不忍見疆土生靈輕於一擲也臨啟悚切萬
狀

米四萬八萬此數也
以法十八萬糧餉與
需民餉計鹽稅費金
其

辭總理五省軍務疏

謹奏爲微臣驚聞新命萬分悚惕難勝謹冒罪陳情籲
天鑒察懇祈聖明特賜允免再簡賢能以無誤封疆大
計事臣自遵旨駐襄防剿秦豫之寇諸凡寇情兵食已
經屢疏上陳矣八月二十七八等日連據境外塘報大
寇奔突中州其苗頭多向汝寧信陽眞陽等處查信陽
則與隨州棗陽接境者也眞陽則與雲夢孝感黃陂黃
安接境者也臣與按臣會議以鎮臣秦翼明統兵防扼
隨棗而親督副將楊世恩雷時聲等由德趨黃九月初
九日行次應城忽接邸報見兵部一本爲秦寇半入中

明大司馬盧公奏議

卷三

九

州等事奉聖旨是盧象昇著以巡撫職銜加總理直隸
河南山東川湖等處軍務統領各兵寫敕與他洪承疇
督剿西北盧象昇督剿東南如賊入秦盧象昇督兵進
關合圍掃蕩欽此微臣不覺五體投地驚荷聖明任使
殊恩更不覺五內憂惶自知譴劣擔承不起夫八年寇
患毒遍中原凡有血氣心知咸切同仇之憤况臣遭逢
聖主頂戴天恩由部郎郡守以及今官何德何能儼然
擁節今日固微臣肝腦塗地致身報國之時也力所能
爲尙何卻顧乃千思百想此任實有萬萬難勝者與其
當機債事而後請皇上斧鉞之誅何如據實陳情而早

乞皇上雷霆之斷用敢叩頭瀝血冒罪陳之臣生平本無別長止是不愛錢不惜死二語夢寐服膺勉圖報稱自昔備兵大名其事則所轄三郡之事也旣而叨撫鄖鎮其事則所轄五郡之事近日再移全楚其事則所轄十五郡之事也以臣之才止堪理一中郡一旦蒙聖恩簡拔至此嘗恐受踰其量福過災生卽於軍旅一節實因時事多艱人情玩法不敢不身先士卒戮力疆場然亦學軍旅爾非閑軍旅也自任楚疆因地方遼廓兼有極重且大之陵寢藩封兩月來籌兵措餉東堵西防日見手忙腳亂方且夙興夜寐盡瘁爲期而今者忽膺總理五省之明綸聞命自天措躬無地蓋人臣靖獻有一毫不盡之心力卽爲欺有欲盡之心力窮於無可盡而不以眞情入告亦爲欺若夫事勢隔越情理萬難其初冒昧不言究以欺而成誤罪莫大焉此時羣寇披猖豈特非數年前比卽方之昨冬今春其勢更倍所在分股狂奔以大股則每股二三萬不止也以小股則每萬餘不止也且在秦在豫者又數十股不止也猶幸未入楚耳一入楚地無論各省卽楚中郡邑處處需兵處處需剿亦處處需臣身履行間情形呼吸數百里之外使苦分身無術耳目不靈微臣當此將近顧本境而他省緩

急何關將遠駐他省而本境安危何恃况中州南直山左川西皆相去二三千若以楚之內地視各省之邊隅東西南北不止萬里而又有江淮河漢阻越其間烽火相仍驛路梗塞卽文移往還非數月不能達我皇上明並日月難逃鑒臨且以臣視督臣洪承疇夙夜自公罔敢自後而識見不及其十之五才力不及其十之四精神不及其十之三督臣嘔心竭蹶事勢轉艱則微臣當之而立蹶可知三邊尙有各撫全楚止臣一身行百里而期千里之程舉百斤而任千斤之重撫躬循省終夜圖維其安能得一當以報聖慈愈覺憂惶莫措迨至

明大司馬盧公奏議

卷三

十一

分顧各省不能并自顧全楚不能然後以身試法微臣誤封疆之罪粉身莫贖矣程才量力審勢揆時情形實實如此輒敢冒陳天聽籲懇聖裁萬不敢有一毫規避之心自干國憲也伏乞皇上鑒臣愚衷察臣謏劣特免總理重任於內外諸臣載簡才品優卓資望深隆者俾與督臣分領撻伐而微臣躬執鞭弭誓瀝血忱以聽指揮力捍楚疆共圖討賊封疆幸甚愚臣幸甚臣未敢擅便謹具奏聞伏候敕旨

恭報防禦協剿疏

臣於九月十五日督兵行至黃陂所過應山安陸雲夢
孝感一帶皆豫楚接壤之境而承天陵寢之藩也連據
帶管荆西道臣李佺臺及隨應等州縣塘報大賊有犯
信陽眞陽者有犯光山羅山者有犯商城固始者處處
皆與楚中接壤且平原四達路徑煩多臣同按臣余應
桂巖飭道府有司鼓練鄉勇增築城池其圖備禦其大
略已先經奏報矣目下楚兵單弱自救不遑而臣又至
諭極庸日惟早夜拮据自本月初九日驚聞總理之命
悚惕萬分臣不敢復候部咨卽冒罪陳情籲天祈免蓋

明大司馬盧公奏議

卷三

三

以臣自揣之才力當全楚今日之事勢現任已凜凜不
勝而况於五省臣疏實一字一血忱也聖明軫念封疆
量才器使必有一番特鑒另簡賢能乃楚豫原同輔車
呼吸安危所共臣固不遑遠近兼顧臣心萬不敢軫域
自分通計全楚主客官兵一萬八千人除防陵之三千
勢難他調及卽鎮之新毛石砭兵千六百人專固卽城
又分算兵千四百人備卽津緩急又分算兵千五百人
備光化襄陽緩急而德屬之隨應孝感以叅將馮時早
等算兵千五百人分防扼剿黃屬之麻城黃陂蘄州以
都司周元儒等算兵辰兵二千人分防扼剿鎮臣秦翼

明領原部川兵二千并募兵千餘近又調周繼先駐防
豐陽之川兵二千餘總聽約束扼剿于隨棗之間臣止
督副將楊世恩雷時聲聿黔等兵三千人親自巡歷督
勵有司軍壯鄉勇扼剿德黃之間現在之楚兵盡此矣
總之賊犯豫則楚兵宜赴豫協剿賊犯楚則豫兵宜赴
楚協剿今賊大勢在豫而苗頭皆向楚則楚兵宜迎賊
以往先須步步回顧楚疆尤須步步回顧陵寢勢不能
舍楚而豫示賊以瑕也臣於九月十六日盡發標下戰
兵三千從孝感黃陂之小河司新店一帶前赴光麻接
界處所迎擊又移會鎮臣秦翼明屬其厲兵秣馬繇棗

明大司馬盧象昇奏議

卷三

三

隨諸處遠哨於桐柏信陽審視賊情出境堵擊官兵甫
發是日戌時據孝感縣塘報賊過九里關勢必至新店
小河司等情同日又據黃陂縣塘報賊自信陽州走羅
山縣哨馬到破口關烏石鋪係河南羅山縣所屬近黃
陂站五十里黃陂站係黃安縣所屬等因十七日辰時
又據分巡武昌道按察使周汝璣塘報據黃安縣稱差
人在河南四路偵探賊情於本月十六日巳時據快手
徐凌雲報稱流賊一股不計其數從羅山來已到黃家
店止離黃安縣界三十里等因同日又據帶管分巡荆
西道右布政李佺臺塘報據應山縣塘報探得信陽州

拿獲流賊婦人一口賊子一名說衆賊要到湖廣十四日起身往青山店去訖賊夥甚多等因觀此則豫賊不下十餘股其衆不下數十萬矣頃繇秦奔豫前後俱有勁兵尙以衆寡殊懸莫可嚮邇今繇豫奔楚方張之勢寧易支撐臣維督鎮道將領分途犄角堵擊於豫楚之交仍一面飛會督臣及豫中撫臣共圖合剿不敢以兵少而避賊鋒也再照全楚地廣兵單又須以全力護持陵寢近奉家守人戰之明旨臣與道府州縣早夜圖之所至必以血忱相勵頃歷應城雲夢孝感安陸諸縣各印官亦俱能團聚鄉兵拮据城守然不過得其大意纔

明大司馬盧公奏議

卷三

七

見端倪維黃陂縣知縣李鑑鼓練確有規條人情踴躍趨事閭閻改色雉堞更新本官到任未及半年一旦有此光景可謂賢能之選矣所當仰懇明綸特敕吏兵二部紀錄優異以風勵全楚有司若臣犬馬之力誓當竭盡於封疆維叩乞聖慈俯鑒前疏允辭總理新命容臣竭蹶楚疆倘有餘力卽赴省直境上與督撫諸臣共圖掃蕩以報皇上天恩此聖明器使之鴻慈而臣愚不勝激切悚惶以俟者也爲此具本題知

崇禎八年九月十八日

統兵入豫疏

臣於九月初十日行次應城縣恭拜驚聞新命一疏據道將塘報豫寇多向光羅麻黃隨督兵馳赴雲夢孝感黃陂等處於九月十八日恭拜豫寇勢欲奔楚一疏此時中州道梗前後兩疏不知何日可達御前至本月二十日連接邸報該臣題爲塘報賊情事奉聖旨知道了盧象昇已有總理新旨著卽會同督臣作速料理掃蕩以副委任該部知道欽此又該兵部題爲流賊披猖等事奉聖旨洪承疇盧象昇各調度聯絡厚集兵力以掃狂氛欽此又該五省督臣洪承疇題爲賊情原自重大

明大司馬盧公奏議

卷三

五

等事奉聖旨知道了邊鎮等處增調兵將楚豫增餉盧象昇夾擊俱已有旨欽此又兵科右給事中李夢辰題爲剿賊大計等事奉聖旨洪承疇盧象昇南北督剿合圖掃蕩前旨甚明秦楚流賊方熾不得撤防李重鎮祖寬速催赴豫兵部知道欽此本月二十三日又准河南撫按二臣移會該按臣金光宸題爲逆賊四出等事奉聖旨河南賊勢蔓延著該撫速催理臣入境調度殲剿欽此切念臣一聞總理新命夙夜屣皇尤夙夜祇懼軍機所係雖部咨未到輒敢瀝血控辭實以臣資淺望輕才庸識謏如此任大責重之事自揣萬不能當恐負聖

明任使隆恩故冒罪陳情不勝悚惕茲伏睹皇上於討賊一事萬分焦勞且天語頻頒命臣與督撫諸臣會同夾剿又萬分諳切臣此身乃皇上之身此日捐糜已晚何敢再計其能不能而存一卻顧想也除臣新練軍黔等兵三千令副將楊世恩雷時聲統率先已盡發至光羅境上一以援豫一以顧楚前疏業經題明鎮臣秦翼明領川軍等兵同監軍道臣苗胙土控扼隨棗目下襄承聲息稍緩亦卽飛檄調赴德黃與楊雷二副將之兵聯絡聲援出境夾剿臣富介馬而馳中州至光羅信陽之間相機調度以便兼顧楚豫其一應機宜必須陸續

明大司馬盧公奏議

卷三

六

馳奏似非可遙揣踰度者蓋臣自聞命迄今甫半月乃十日而兩具陳情之奏疏又越三日而疊承申諭之明綸我皇上天恩大法臣旣感且懼縱令楚防正急兵力甚單敢不提孤旅而直前奮微軀以圖報但籌剿寇於今日極其急迫亦極其艱難籌用兵於各省極其殷煩亦極其細密赴湯蹈火拯溺救焚臣誼臣心朝不待夕而豫中形勢向未窺其大端兵將向未得其分數寇情往來奔突向未習聞其梗概以及監司守令與夫調援之祖寬李重鎮等向未通一文移拮据方新驟難應手卽萬分上緊亦須經月而頭緒始清然後審視全局扼

其要圖聯絡將兵求一勝著此臣愚赤心區畫於萬難
報稱之際思竭一生大馬之忱實不敢有絲毫欺飾也
倘蒙皇上鑒臣前疏俯允所辭爲封疆事重而另簡賢
能臣亦惟殫精料理以待萬一因事勢倥偬謂臣誼無
可諉臣亦維先期竭蹶候救書至日遵行此則臣所直
剖於聖明之前者也爲此具疏題知

崇禎八年九月二十六日

明大司馬盧公奏議

卷三

七

崇禎八年九月二十六日

時伏聖明之前昔出爲此具前眼味

而歸臣衣解夫照駭鄉楚凍書至日數計也限至照而

請引衣對職謀林既以苦薄一因事竣對謝前聖端誠

請葉皇土鑒臣前疏俯允所辭爲封疆事重而另簡賢

能臣亦惟殫精料理以待萬一因事勢倥偬謂臣誼無

可諉臣亦維先期竭蹶候救書至日遵行此則臣所直

陳會剿大端并量請馬匹疏

竊以臣之庸劣獨蒙皇上破格用之兩疏控辭拜發未幾而會剿之明綸疊至責成之天語頻頒臣何敢再候前疏之得請與否以蹈觀望之辜惟有盡心盡力爲之而已顧前此剿賊未能制勝大率在於兵分則今日宜急籌其合而合正未易言也毋論豫中主客之兵及關寧新調之兵各遠在數千里外尙須移文撫按以講求馳檄鎮將以會期卽就楚論現在一萬八千之數分駐鄖鎮及承襄黃德各有要衝各備戰守撤則虛空可慮不撤則合剿何資况郢中一塊土關係祖陵黃德鄖襄

明大司馬盧公奏議

卷三

六

皆其門戶防陵必須防楚守兵卽是戰兵若盡攜之入豫勢將以楚爲壑臣於此開手便費躊躇矣夫大寇縱橫七年奔突七省經練已成勁敵到處皆其熟窺而黨類之多又實不止數十萬計每分出以誘我師倘從此一著再差必至滿盤皆壞故殺賊之心欲銳圖賊之計欲周如醫家之治久病望聞問切俱備君臣佐使俱全尤必深究其病之源遞觀其病之積且預防其病之變再三詳審然後以數十劑投之方有起色若甫入門而卽便師心未下手而先責成效皆速斃之道也臣雖至愚赤腸自矢日來深籌熟慮妄意平寇之要有十一辦

餉二籌兵三用人四任將五設險六定功罪七明分合
八專責成九以民攻賊十以賊攻賊十事備而賊庶幾
可平矣然此非一疏再疏得以詳陳臣今督兵至豫境
一面料理兵食相度情形審視機宜移商督撫應力行
者圖維而後入告應入告者請旨而後力行旬日後卽
將十事分爲十疏明白奏聞恭聽皇上下之廷議取自
聖裁務求至當目前剿賊急需營馬楚向無兵年來調
集之羣率皆徒步之旅於以當賊十不及一焉而况賊
且百倍於我也臣自治郟以及撫楚多方設處買馬三
百餘匹約費三千六百餘金未動絲毫公帑畱百匹以
與新治臣應用而以二百匹自備騎征乃奔馳半年亦
多傷損縱使二百皆壯騎猶與無馬同將何殺賊乎臣
身日在行間卽欲捐貲市駿設處已窮緩急無恃頃者
鎮臣秦翼明疏請馬匹蒙皇上俯允部議動支湖廣節
裁驛站銀三千兩與之臣身膺討賊之役不敢多求伏
乞皇上敕部准再動前銀五千兩所不足者臣當另爲
設法臣標下若有馬騎八百庶可供一臂之用而備督
剿之資也謹題

明大司馬盧公奏議

卷三

九

崇禎八年九月二十六日

請差風力科臣監軍疏

微臣濫叨總理之命竭蹶無能屢辭不敢今豫楚徧地皆賊合剿萬不容遲身任封疆者豈特嫌疑勞怨富貴功名俱當置之度外抑且毀譽是非利害生死全不存之意中方可以成朝廷大事然而旁觀多智當局多昏今官至督撫自言官而外無有議其後者臣思賊情至省其情形事勢又何等曠遠迢遙紛紜渙散總者總其大理者理其詳循名責實愈想愈難此際實心與不實心應手與不應手其間不能以寸也彼一總兵而以道

明大司馬盧公奏議

卷三

三

臣監之一偏裨而以府佐監之徇私者以爲不便急公者取其相成况臣一撫臣而兼理五省識譎才庸嫌於自用望輕資淺病其自專又且分疆代理恐有空礙難行重擔在身保無奏報隱護凡此皆臣所戒慎於屋漏而終未能對質於大廷者也再四思之必於各省監軍之外特設一總監軍庶幾得以繩愆糾繆而監總理之軍非科臣不可蓋科臣監軍祖宗朝原有往例且有二便焉各省緩急先後情形科臣得之目擊視風聞言事者更覺詳確其便一也微臣愚昧所行所爲或他省督撫按遠不及知日與科臣共事小失則隨時救正大過

則據實糾參以至行間一切功罪得以隨時奏聞其便
二也臣在戎馬之場拮据靡遑馳驅無定一應兵機賊
情多有拜疏不及者微臣任事科臣議事身到眼到心
到口到條上方略呼吸可陳其便三也望皇上卽下廷
議刻期選差或念時勢殷煩卽賜欽委蓋科臣與別衙
門不同無堂上官統轄原當取自聖裁者臣不勝屏息
引領以俟也爲此具本謹題

崇禎八年十月初二日

明大司馬盧公奏議

卷三

三

狡賊乞降疏

途中忽接下江防道臣唐顯悅稟帖內稱麻城縣馬夫
袁龍前往毛畝地方探賊被賊擄去有總兵張全昌帶
傷在流賊營內具有稟帖代賊乞降其稟帖用竹紙寫
露口不封內云援剿總兵張全昌謹稟本職于八月十
五日奉總督五省洪部院憲文統兵同監軍道劉副使
出潼關應援河南防護皇陵沿途州縣殘破關廂無人
官兵縱有銀錢亦無處覓買一飯行至開封府通許縣
地方有本地王鄉宦傳一帖與監軍道劉三顧云奉旨
新推本院五省總理管理東南洪部院仍在西北三軍

明大司馬盧公奏議

卷三

三

一聞此信見所過苦難借此俱回陝西不肯南下是以
劉監軍同趙副將俱回開封本職所統多半皆係自養
內丁又思祖陵爲重南北東西何莫非王事且恐震驚
又如今春臣子豈無急公之念况職兄應昌兩次援楚
蒙本院破格提拔今夏遭覆舟之患又蒙本院親臨看
視如此深恩職豈不樂侍轅門是以統率所部堅意南
下疾趨鳳陽至穎州聞大夥從蒙城欲渡河南下職統
兵追至沈邱縣瓦店集於九月十五日遇陣衆寡不敵
全軍失利職身中一箭左手一刀頭中一刀力盡落馬
昏迷不醒有四隊掌盤子蝎子塊情願招安不肯殺害

大將以見彼真心有光山縣典史馮邦甫帶兵追趕被擒卽放出同職手下家丁姚世得赴汝寧府李知府處具文申知本院討官引路竟回陝西安插願爲良民職見此一營最強又且實心願撫前總督五省陳部院差副將招安至隴州地方有三邊洪總督統兵殺散衆掌盤子欲殺楊副將蝎子塊立意送出一心只願招安職見語意如此備將朝廷聖意宣布衆頭目無不歡喜若得安此一營別營俱無他意且內地免兵戈之患連日等候明示尙不知本院駐劄何地今二十八日遇一馬

夫云本院駐節黃安衆頭目無不歡喜請職具文本院

明大司馬盧公奏議

卷三

三

討官引路送回陝西安插職抱傷在床聞本院在邇亦幸此事可成今具稟乞本院差一官賜一路引導送回陝西安插亦免百姓塗炭別營聞之無不遠走西北中原重地指日可見擴清職死九泉亦有餘生矣且屢奉撫順剿逆之明旨知本院自有裁奪早差官一日早回陝西一日職扶傷甚危語字無序望本院鑒宥臨稟不勝待命之至等因臣閱之不勝駭異夫全昌剿賊秦豫有傳言其被兵傷者有傳言其被賊殺者今乃被擄偷生視息豈不負朝廷辱介胄哉臣因發一檄與之內言照得逆賊肆惡有年犯我祖陵蹶我上將陷我城廓屠

我人民罪通於天神人共憤本院奉命討賊未嘗奉命
撫賊該鎮身為大帥喪師辱國乃不卽以死報而猶代
賊乞憐耶今大兵四集刻期掃蕩本院雖文弱書生仗
聖天子威靈誓當滅此朝食旣稱蝎子塊一營甚強先
從此營剿起如果悔禍投誠乞降歸命目今犯楚之賊
共有三股卽令蝎子塊剿彼二營之賊壯賊首及強壯
賊徒或斬級或擒拿一一解赴轅門待本院驗實然後
上告天子宏開三面之網大小頭目計功陞賞黨類盡
子生全仍給路費行糧犒賞散歸原籍從來名將功臣
亦多出身於綠林黥徒者天道好生惡殺聖明剿逆撫

明大司馬盧象昇議

卷三

五

順此則本院奉命征討之心也該鎮徧行曉諭知之發
檄全昌去後臣隨飛調赴援光羅副將楊世恩雷時聲
自麻城襲其西又飛調湖廣總兵秦翼明自承德遏其
東又飛調援剿總兵祖寬及將官李重鎮自汝寧入楚
掩其西北以圖必勝之著但巡撫與總兵敵體之官也
臣聞命未久新奉總理敕書未到止以平行公移前去
催調未知各鎮肯卽信從否且恐豫中尙有別股之賊
則祖李二鎮將或不得卽來未免坐失機會爾至張全
昌陷陣獨不能爲斷頭將軍彼豈真有蘇武之節哉臣
聊以一檄愧之兼寓以賊疑賊以賊攻賊之意凡此情

形皆不敢不一一聞之皇上者也謹會同五省督臣洪
承疇河南撫臣陳必謙河南按臣金光宸湖廣按臣余
應桂會本具題

崇禎八年十月初二日

明大司馬盧公奏議

卷三

五



題對會本具題

承疇河南撫臣陳必謙河南按臣金光宸湖廣按臣余
應桂不避不一一聞之皇上者公願會同五省督臣

請敕各路援兵疏

本年九月三十日據副將楊世恩雷時聲塘報云

月初一日又據下江防道臣唐顯悅塘報云初二日

又據黃岡縣知縣李希沅稟稱云同日又據黃安縣

塘報云該臣看得賊勢猖獗如此楚豫之間幾無寧

宇臣方奉命會剿刻期入豫而據報賊已有先從河南

商固走南直英山霍山者有先從河南信陽走南直鳳

穎者又有先從光羅奔湖廣黃麻及另股奔廣濟蘄水

者廣濟無城間縣官避賊任賊焚掠且並無一報止據

推官周大啟具稟言之容臣等嚴查參究彼中離黃麻

明大司馬盧公奏議

卷三

三

尙五百餘里按臣居守陵寢相去益遙黃麻現有大寇
臣又不能舍近而圖遠蓋遇賊則剿遇賊近則近剿賊
旣可繇豫奔楚仍可繇楚遁豫臣當視賊所向難拘地
方標下算黔兵三千又分五百委江防道臣唐顯悅督
之以赴蘄水蘄州一帶此時道路梗塞祖寬李重鎮等
援兵未能呼吸應手臣自九月二十七日准兵部咨文
又十月初二日准吏部咨文奉旨催臣受事擬卽於十
月初八日在麻城權宜到任行文各省直會兵敕書一
到臣當以皇上之威靈督勵鎮將不用命者請朝廷三
尺法治之與各省直督撫按諸臣從頭大做一番庶幾

或有濟也總之談剿賊於今日當合計全局不當分計
零局當合剿大股不當分剿小股小勝不足以言功小
挫不可以定罪賊去不宜以爲幸賊來不必以爲憂必
須原始要終滿盤打算稍寬文網稍假日時務使疆臣
展其四體聖明在上豈難戡定廓清臣有十事恭聽聖
裁旦夕另行條奏仍乞天語申嚴凡一切援剿之兵微
臣有調卽至後時者殺無赦庶有總理之名亦有總理
之實臣得捐糜從事矣謹題

明大司馬盧公奏議

卷三

毛

明大司馬盧公集卷之四

總理奏議目錄

謝恩到任疏

剿寇第一要策疏

剿寇第二要策疏

報捷疏

請設中軍疏

剿寇第三要策疏

剿寇第四要策疏

剿寇第五要策疏

明大司馬盧公奏議

卷四

目次

恭謝便宜行事疏

楚賊宵遁疏

援豫大捷疏

援汝連捷並陳剿蕩大局疏

懇辭楚撫疏

剿蕩三大機宜疏

定止輸餉疏

剿蕩愆期聽候處分并陳賊勢兵情疏

叅唐藩疏

附綏寇紀略五條

明大司馬盧公奏議卷之四

宜輿盧象昇建斗著

會稽後學施惠重刊
同里後學李庚校字

總理奏議

謝恩到任疏

欽命總理直隸河南山東川湖等處軍務巡撫湖廣等處地方都察院右副都御史臣盧象昇謹題爲恭謝天恩到任事臣原任湖廣巡撫蒙恩加臣總理直隸河南山東川湖等處軍務統領各兵九月初十日在應城縣聞報卽具微臣驚聞新命萬分悚惕難勝一疏九月十

明大司馬盧公奏議

卷四

一

八日督兵至黃陂縣又具豫寇勢欲奔楚一疏惟時未接部咨輒敢連疏控辭冒干天聽實緣總理任大責重臣資望才識無一可以當之恐誤封疆至計也隨後從邸報中疊奉明綸命臣與督臣洪承疇調度聯絡料理剿蕩卽於本月二十六日具刻期統兵入豫并賊勢豫楚并急兩疏及臣發兵赴光羅而賊已分三股犯麻黃蘄濟等處又於十月初二日具請差風力科臣與逆賊狡計乞降并援兵尙未調集三疏二十日之內恭拜七疏俱係兵機賊情所慮道路多虞驛遞倒站未知何日可進呈御覽前後遲速難期臣心如焚竊念封疆時事

若此致聖明宵旰焦勞討賊之役臣才卽萬萬難勝臣
誼實萬萬難諉卽從軍中召集二三將吏二三鄉耆徧
告之曰身受國恩深重誓當勉力圖賊早期蕩平隨於
十月初八日遵照吏兵二部咨文欽奉明旨事理恭設
香案望闕叩頭謝恩到總理之任初九日臣標下副將
楊世恩等追剿大賊蝎子塊旋來報捷而皇上所遣內
臣張訓齋解欽賞銀兩適於是日至臣偕將吏兵民無
不歡呼雀躍儼若覲天顏於咫尺也臣於此際惟有盡
心盡力一切陳謝之蕪詞不敢再爲沿襲目今羣寇據
報俱在豫楚南直接界地方如光羅商固蘄濟麻黃六
明大奇馬盧公奏議

卷四

二

安英藎等處副將李重鎮已自汝寧而來者若祖寬一
到馬步合營臣卽親督之誓師大剿矣至臣所議剿寇
十事原擬連疏並陳奈日在戎行萬分忙迫事關入告
未敢草草先將措餉籌兵二疏同謝恩本馳呈御覽統
惟皇上睿照施行謹題

剿寇第一要策疏

熟計八年來強寇愈剿愈橫所在攻城掠野大率皆繇兵民從賊作賊是以黨類日繁民從賊多起於饑寒兵從賊多緣於缺餉封疆之吏日日望之朝廷計臣無術點金請十不能得五夫與師一萬日費千緡倘缺一兵之糧必有一兵起而爲患者此何等時而尙堪嘗試乎臣思寇患如此猖獗聖天子之憂也士大夫之恥也君父有憂則當曲體人情有恥則當奮發普天王土率土王臣但泛泛然責以捐助恐多寡不均緩急難應有法焉因糧輸餉積少成多最爲簡便直截臣南直人也祖父以來世受國恩今臣父臣叔及臣兄弟四人共有薄田二十餘頃願爲直省之倡查照每年應納本折糧銀再輸一倍其餘五省鄉官不論在朝在邑俱止十輸其一如應納糧銀一兩外助餉銀一錢其舉監生員商民人等未食天祿仍減等論查其地土錢糧不及十兩者免出十兩以上亦如鄉官例每兩納助餉銀一錢此斷不爲厲臣旣叨總理酌盈濟虛是亦理之一端豈敢爲皇上聚斂哉他省尙未及知臣質之楚中縉紳僉曰宜也更質之楚中耆老僉曰宜也人情不甚相遠亦何愛此錙銖不以襄剿蕩之舉然在臣等勞怨固所不辭嫌

疑亦當遠避此項錢糧專責州縣印官按籍而稽如數
催納俱類解各府充兵餉正項支銷以藩臣道臣總司
查覈會報臣與督撫按諸臣按季冊報皇上寇平卽止
庶公私兩便朝野共知蓋加派累民恐累貧民耳田多
者自是不貧何累之有此外則事例一節奉旨已開惟
功令初開輿情觀望又因道途多梗赴部頗艱故鮮有
應者不若聽其自便於各省布政司及兩直各府就近
上納分登戶工二部項下各正解支尙有權宜之術內
可佐京邊之缺額外可抵兵餉之題畱則內庫本色是
也謹查會計錄每年起運錢糧通計一千一百餘萬解

明內司馬盧公奏議

卷四

四

外庫者四百餘萬卽今太倉之銀解內庫者六百餘萬
卽蠟茶顏料弓箭弦條芝麻花絨絲縣絹布狐皮胖襖
等項萬厯初曾改折數年充濟邊關急用我皇上以堯
舜之仁行恭儉之德此時此際正當講求除白糧不便
議折其餘皆量折三分之一以濟軍需事平卽止鋪墊
仍解內庫並行不悖以視發帑不尤便益乎以上三事
不病民不損國歲可得金錢一二百萬爲行間續命之
膏舍此而終日持籌削針頭之鐵盈廷仰屋歎無米之
炊欲以立致蕩平斷不可得事急矣望皇上乾斷獨持
敕部速議刻期經理安奠封疆此第一要策也謹題

剿寇第二要策疏

竊照有餉而後可以養兵有兵而後可以剿寇故兵多於餉則兵危寇多於兵則寇橫而今日事勢可憂尙不止在多寡間也蓋用兵不過主客馬步戰守奇正爾惟今應援諸兵多係邊關勁旅樞臣費幾許心力而調之計臣費幾許金錢而贍之地方官又費幾許調停安插及芻糧等項以供之乃一至東南水土不服疾病叢生鄉思迫其離衷雄心化爲暮氣加以鎮將撫馭失宜動輒反戈相向則客兵之難豫楚南直向皆中原無事之邦不識兵革膽氣虛弱骨力柔脆一旦責以荷戈無異

明大司馬盧公奏議

卷四

五

驅羊當虎求一將兵者又不但無其選抑且無其人雖所需餉金視客兵可省十五然非擇將選銳信賞明刑練膽練心并練其身手年餘而後用之不可今能待乎則主兵之難賊騎如雲每至則漫山遍野儘意馳驟倒損卽隨地搶騎我兵十不一馬性命相依旣不便舍步兵而先馳又不敢窮馬力以致斃則馬兵之難賊連營數十里老弱婦女皆有騾驢惟脇攜難民中多徒步步行不止百餘里踉蹌者卽棄之以填溝壑我之步卒一名有一名之用寧忍使之委頓道旁縱令人人精銳追賊三日未有不跛足顛連者則步兵之難兵法十圍五

攻明乎我十倍於賊則圍之我五倍於賊則攻之也今賊且數十倍於兵矣况彼依山負嶠因民掠食我裹糧千里到處呼庚多寡强弱勞逸飢飽之數事事相懸而圖倖勝於萬一卽孫吳何以爲謀則戰兵之難五省地面東西南北延袤不啻萬里山河隔越聲息難通賊肆掠已徧中原隨地可長驅橫突將從何處堵截何處隄防則守兵之難彼插卜雖強然有華夷之界其來也有定向其去也有舊巢我可批吭搗虛據險設伏乃賊情飄忽瞬息異形且在腹心之中如臍毒肺癰難加針灸則奇兵之難兩軍對壘旗鼓相當進寸退尺之間便分

明大司馬盧公奏議

卷四

六

勝敗斬將擐旗之下卽定安危維賊逢人則擄見兵則避負則鼠竄勝則狼奔殲一頭領而別頭領繼焉殺其多人而擄多人補焉此非可以常理論者則正兵之難夫至主客馬步戰守奇正俱難而不於千難萬難中急籌權變切要之法賊將何日平也近准部咨奉有剿兵不得分派之旨仰見聖慮淵遠已洞徹兵機賊情而樞臣所議督理出兵宜以一二萬爲一軍是誠喫緊之著臣今拜命方新自楚兵而外各省直官兵數目及所分駐之地尙未及周知目下刻期會師正思與各撫臣同心協策乃逆賊已先分蔓於豫楚南直之間事勢倥偬

實甚如必待臣處處照管卽千百其身亦止當千百兵之數爾緩急其何濟焉容臣飛檄援剿鎮將及監軍道臣齊集適中處所插血誓師將兵馬逐名點驗某營弱兵宜汰某營馬匹宜增某營虛冒宜覈以至衣甲器械皆當經目經心大小官丁俱爲親撫親諭通計實在堪用者若干是否足以當賊一面據實馳奏一面鼓勵圖功應增馬匹器械應募馬步戰丁俱於各省直動銀增置召募事平銷算仍視賊股最强且衆地方最急且危者合援剿之兵以圖必勝之著次第翦除其餘支分別股聽各撫臣率勵道將以本地主兵且戰且守併照臣

明文司馬盧公奏議

卷四

七

另疏所陳設險清野及以民攻賊以賊攻賊之法一力行之臣庶幾可以措手非然者賊勢如此橫決封疆如此佔危楚患迫於燒眉兵將隔於遠地不聞聲不見面而責以分身代理漫言事權以臣一身反誤五省此則臣之所大懼也伏乞皇上敕部施行謹題

報捷疏

本月初九日據監紀同知張大經塘報本月初七日准團練竇黔等兵副總兵官楊世恩塘報

云

同日又據

副將雷時聲塘報

云

又據同知張大經稟稱

云

等

因到臣該臣看得蝎子塊一股蓋賊中最狡且強者數

至三萬餘緜秦奔豫緜豫犯楚爲謀叵測觀其據挾總

兵張全昌擁衆求撫夫豈真心歸命哉臣密遣邏者伺

之全昌不能死節尙知守身而兵丁則盡爲所用矣副

總兵楊世恩及緣事副將雷時聲兩弁所統不過臣新

練之兵三千又分五百人付江防道臣唐顯悅援蘄州

明大司馬盧公奏議

卷四

八

等處自初二日發兵追賊四晝夜始及孝感河南交界之青泥灣官兵奮勇衝殺據監紀等官塘報實斬壯級二百四十三個奪其坐纛大旗殺傷無數此股被創羣寇或當膽寒矣先是臣遣兵時卽飛調秦鎮從承德邊其東又飛調祖李二鎮從汝寧掩其北實欲張三面之網以成一鼓之擒乃各鎮將俱在千里以外捧檄星馳呼吸難及兩將孤軍未免卻願臣重懸賞罰以示按臣余應桂聞臣將入河南會剿盡搜其贖緩公費三千兩移臣犒軍士氣益奮故能以少擊衆首挫賊鋒然臣終以爲小勝也維是官兵用命實倍於平時應聽聖明敕

部查敘稍示破格至監紀同知張大經以文吏而提刀
殺賊以貧官而割俸勵兵此人情所難似當并敘者傷
亡官丁查明賞卹可也謹會同河南撫臣陳必謙河南
按臣金光宸湖廣按臣余應桂謹題

明大司馬盧公奏議

卷四

九

請設中軍疏

臣以楚撫而兼總理之任軍務殷煩兵馬錢糧千頭萬緒標下無一宿將無一勅兵無一馬騎又衙門無一舊例成規拜命於搶攘之秋圖報於倥偬之際一手一足萬苦萬難近准部咨奉旨以祖寬李重鎮兩營步騎屬臣標下於是乎壁壘旌旗稍稍生色臣已飛檄催調大勦是期謹查九邊督撫俱有中軍專管傳宣軍令督臣衙門多以總兵副將爲之撫臣衙門多以副參遊擊爲之臣總理五省地方遠乎九邊責任兼乎督撫此官斷不可少然欲增設未免費事需時查得欽依遊擊將軍

明大司馬盧公奏議

卷四

十

管湖廣操捕都司簽書事周元儒武略超羣智謀出衆防剿著績兵士歸心允堪此任合無仍以湖廣都司簽書實缺遊擊將軍職銜就近管理臣標下中軍事務庶衙門不必增設廩俸不必再議胥役不必加添而臣又得臂指之使實爲便計其或量加參將以示鼓舞此當聽樞臣酌議仰乞聖裁臣不敢必也謹會同湖廣按臣余應桂具題

剿寇第三要策疏

臣前疏已將措餉籌兵分爲第一第二要策上瀆宸聰
從來有治人始有治法則用人尤今日急務也竊思三
代而下純臣有幾能爲忠良足矣忠臣多起於激發良
臣多藉於玉成我皇上曲體羣臣賞怒勸威動合古帝
王大道且於剿寇一事殷憂宵旰中外所知封疆之吏
如不殫精竭力戡亂圖功豈但干斧鉞之誅亦必受神
明之殛維是寇患縱橫七省蹂躪八年有總任之者必
有分任之者試觀一郡一邑尙須職要職詳而况如此
極重大極艱難之任乎縱使省直合爲一家臂指聯爲

明大司馬盧公奏議

卷四

七

一身猶恐呼吸不靈情形多變若陞遷無定未免以官
爲傳舍人懷僥倖之心鼓舞不寬又未免以官爲苦海
動有摧殘之慮除臣等及督撫按等官功罪賞罰用舍
黜陟聽之廷議取自聖裁其各省直藩臬等司守巡監
軍等道以及府州縣守令凡屬用兵之地俱當與剿局
相終始焉蓋巧不過習暫不如專國事非一人之私太
平非一士之略藩臬監軍守道果其才品卓越資望深
隆必須以加銜久任責之目前紀錄超陞俟之後日斷
不宜循資論俸遽爲轉移其或年力已衰才識庸下容
臣會同督撫按隨時據實奏聞或調或處擇就近精明

廉幹者補之庶幾緩急有賴至於府州縣守令亦須以是爲程而州縣印官尤屬喫緊應將賢能堪任者分列三等凡製器修城練兵禦寇廣備芻糧諸事有呼必應者爲第一等容臣會同督撫按不時具疏表揚紀敘優擢其次則城池堅完鄉兵團聚芻糧無誤每事一意力行者爲第二等就臣所經歷之處得之耳聞目見隨時獎勵其賢并以獎語報部爲陞遷考成地事平一體論功又其次雖無表表之績若能黽勉任事年力可以馳驅者爲第三等仍當誘掖勸勉策其後圖反是者亦分三等事機委頓提撥不前宜責令戴罪管事有意玩違

明大司馬盧公奏議

卷四

七

多所失誤宜處以降級示懲若藐玩功令百務廢弛所爲不公不法登時摘印羈候據實參拏如此則人情必爲之一變也至於論功從厚論罰從嚴國法皇仁原是並行不悖但向後地方官有應議處者仍望聖明申嚴令甲據實原情區別罪端予以差等如一事也而功中之罪罪中之功與夫罪中之罪廟堂或有遠不及知者地方耳目難欺共事行間易悉除大賞大罰卽時具奏施行其餘一切功過或應滿盤打算少畱抑揚激勸之地以示鼓舞人才之方於封疆未必無補也統祈皇上敕部確覆允行謹題

剿寇第四要策疏

臣前疏曾言任將蓋將者死官也能於死中求生是以圖麟勒石不朽千秋而今之大小將領則皆有生之氣無死之心者也至於總兵官其地位已高其分願已足肯出死力爲朝廷報效能秉虛心聽督撫調度者幾人哉臣東髮通籍久歷郡守監司以至治鄖撫楚每遇大小弁流必爲推誠折節生平事上官待僚屬將吏不識驕諂二字爲何物頃拜總理新命與各總兵尙以平行公移相達旋奉便宜行事明旨乃稍自振其體貌然亦不敢妄自尊大以失鎮將之心無非爲封疆所係文武

明大司馬盧公奏議

卷四

三

宜和求濟大事而已顧決機臨陣勇怯判於須臾而籌畫機先利鈍爭於呼吸臣雖豎儒不閑軍旅旣叨總理重任則於該鎮將必如身之使臂臂之使指方能共奏膚功其或中梗旁撓債事不小臣今預請之皇上除副將以下違誤軍機卽分別正法一面奏聞總兵官如有小失臣當容之其或逗遛恇怯縱兵殃民抗違調遣非藉朝廷大法不足以示警立刻指參逮治惟恃有皇上之威靈臣何敢以一毫私意行乎其間也若夫衝鋒破敵偏裨每銳於元戎守把中干每銳於偏裨總之前途尙遠則奮勵居多名位旣崇則驕蹇易起嗣今剿寇之

功亦宜滿盤打算從副參以及守把計其功次宜從優
加級且勿遽授以實銜使其精神日引而日長意氣愈
鼓而愈奮統候事平超擢卽參遊而敘加官保亦可守
把而敘陞總戎亦可非然者今日報斬獲明日論捷功
徒爲人功名地而寇橫如初何益於成敗之數凡此庸
見臣實實從朝廷封疆起念輒敢剖心而直陳之懇祈
皇上敕部確覆允行有裨剿局良非渺小矣謹題

明大司馬盧公奏議

卷四

西

剿寇第五要策疏

竊維殺賊需兵用兵需餉此常理也乃今日兵少而賊多兵飢而賊飽兵勞而賊逸日復一日年復一年愈剿愈煩生靈塗炭已極事勢至此不得不用權變矣臣有阻賊疑賊飢賊之法雖創而實便雖平而實奇奉行全在有司提掇仍須府道業已一面頒行并飛會各省直撫按然非經皇上天語特飭懸朝廷大賞大罰以待則無徵不信成效難期臣是以不避瑣煩列陳其概一立團寨築壕塹以阻賊賊奔徑道頗多每州縣境內遠近必繇之路亦自有數有法焉凡居民近山險者立寨多

明大司馬盧公奏議

卷四

五

村落者聚團寨必有泉可汲并擇其路窄而陡峻賊不能攻者團必大村鎮人力眾多周圍挖深壕布密箐築牛馬牆其近團路徑用荆棘樹枝木石壘斷再張毒弩等項於內使賊難近夫是之謂阻賊一挑鄉勇設遊兵以疑賊賊每股雖號數萬婦女老弱半焉精強之賊借老弱婦女以壯聲勢老弱婦女恃精強之賊以拒官兵擁衆依山伺我遠近悉我虛實疲我師徒有法焉募各鄉居民勇敢當先者州縣印官時時犒賞鼓勵使其父母妻子安置寨團或遠避他所止畱敢死百餘輩多則數百輩名曰遊兵各持悶棍板斧長短鎗庫刀四樣軍

器晝伏高山深林偵賊來往多則避之少則狙擊夜則
銜枚匍匐或劫其營或竊其馬騾衣服器械或伺其醉
夢而殲之使賊不知所從來夫是之謂疑賊一收資糧
斂頭畜以餓賊賊依山爲橫因食於民官兵進剿追逐
衆寡飢飽勞逸之數相懸安能必勝有法焉各州縣印
官單騎徧歷鄉村凡近城三十里以內士民急將糧食
貲財搬移入城三十里以外或運至山寨或收入大村
聚團固守牛羊馬騾雜畜等項多方收斂務使賊無所
掠士民如不遵行敢以貲糧供賊者依軍法重治夫是
之謂餓賊以上三項小民懷土者覺慮始爲難守令偷

明大司馬盧公奏議

卷四

六

安者恐力行未易臣獨以爲非此則雖用數十萬精兵
數百萬厚餉賊平終無日也况今三農之暇正便舉行
頃臣自楚入豫所歷光羅信陽就深山窮谷之民而指
點之無不環臣之膝叩頭流血踴躍願從者繇是觀之
士民何嘗不可鼓動皆有司不實心不虛心不細心爾
州縣印官倘或呼吸不靈虛文塞責容臣會同督撫按
諸臣摘印羈候特疏參提重治以罪道府並論庶幾其
有濟也或謂山野旣無所掠賊必併力攻城是誠可慮
然以民飽賊仁者不爲藉寇以糧寇將日橫臣亦深思
熟計之矣伏乞皇上電照睿裁施行爲此專本請旨

恭謝便宜行事疏

本年十月十七日臣督兵至河南光山縣境內准兵部咨該臣奏爲微臣驚聞新命萬分悚惕難勝謹冒罪陳情籲天鑑察懇祈聖明特賜允免再簡賢能以無誤封疆大計事奉聖旨盧象昇才猷敏練受命總理一切調度俱許便宜行事著卽同洪承疇協心辦賊務期遵限速奏蕩平以副委任不得疏辭推卸致滋延誤兵部馬上星速傳飭欽此臣仰對天言悚感無地自分何人乃蒙聖明獎以才猷敏練諭以便宜行事期以速奏蕩平凡此異數殊恩眞是萬難承受維有叩頭感奮竭生平

明大司馬盧公奏議

卷四

七

犬馬之力以從事行間而已先是夫寇蝎子塊被臣遣兵擊敗後據河南道臣董嗣諶及副將李重鎮塘報有整齊王等四股盤據光羅間遂介馬星馳入豫而南直六安霍英之賊爲埽地王等數股又奔突於蘄水羅田遂分兵千五百人遣副將楊世恩禦之且隨棗一帶亦紛紛告急臣復飛檄湖廣總兵官秦翼明就近堵剿而以監軍道臣苗胙土往來麻黃之間及臣至羅山整齊王等各賊已從信陽間道飛奔應山孝感據監軍道塘報秦鎮及楊世恩各有斬獲然皆零捷不敢煩瀆聖聽臣已具報達部矣目前布置臣將李重鎮雷時聲陳永

福等馬步六十餘自麻信而南楊世恩鄧祖禹等步兵
一千餘自麻黃而西秦翼明周繼先等馬步五千餘自
隨棗而東遣發之日刑牲祭告滴酒爲誓逐兵逐將撫
摩而激勵之若得剿散此數大股然後再視河南南陽
緩急親往調度此事勢之不得不然者本月二十五日
准河南撫臣陳必謙咨文謂陝靈永澠之間賊號二十
萬勢甚危急相去千二百里臣恨不能分身但光羅麻
黃隨應數股大寇不急翦除毋論陵寢重地呼吸安危
萬分可慮若再從汝宛與陝靈永澠之寇合則聲勢益
衆豫地其何以堪幸祖寬左良玉等鎮及趙柱羅岱劉
肇基等將今在河南府一帶撫臣就近調遣諸鎮將必
能用命協殲臣剿近賊卽兼程及遠不敢一刻苟安也
伏維聖明照察施行爲此專本具題

明大司馬盧公奏議

卷四

六

萬幾甚急朕夫千二百里臣恨不能分身但光羅麻
黃隨應數股大寇不急翦除毋論陵寢重地呼吸安危
萬分可慮若再從汝宛與陝靈永澠之寇合則聲勢益
衆豫地其何以堪幸祖寬左良玉等鎮及趙柱羅岱劉
肇基等將今在河南府一帶撫臣就近調遣諸鎮將必
能用命協殲臣剿近賊卽兼程及遠不敢一刻苟安也
伏維聖明照察施行爲此專本具題

楚賊宵遁疏

臣遵旨入豫調度十月二十八日師次信陽據塘報隨
東京山南陽內鄧一帶流寇奔突卽督兵馳擊初二日
辰時於應山途次接湖廣按臣及荆西道臣移報賊勢
逼郢臣隨介馬星援初五日至承隨據防守皇陵副將
王觀國塘報爲類報生擒斬級云等情到臣該臣看
得賊衆狂奔敢於窺郢逼近陵園其狡極矣幸按臣余
應桂布置嚴密一間警報卽單騎巡行鼓勵將士多方
備禦道臣吳尙默同畱守府縣各官防守郡城重地方
備極辛勤臣自信陽兼程馳至而狡賊已先期宵遁矣

明大司馬盧公奏議

卷四

九

皇陵周圍數十里之內草木不驚此固宗廟社稷之靈
皇上如天之福也而按臣居守之功亦豈渺小哉至於
守備太監惠進臯神宮太監李國義各率其僉書及軍
舍員役或巡城或護陵勞俱難泯大小將領如鎮筸副
將王觀國遊擊李奇李國奇守備楊芳陳本畱守僉書
丁士龍加銜都司張大義萬瑞鳳楊光星陳宗富參將
許登魁指揮覃仰廷劉運昌王觀民常世英戰守皆能
效力內陳本係按臣標下領兵守備斬一賊首忠勇可
嘉且其所領之兵乃按臣捐俸以贍未動正餉也若承
天府同知王燮元兩年來督餉防陵建營房製器械奉

按臣及臣之委事事盡心盡力襄陽府推官江禹緒督
新兵六百赴郢適當賊近之時緩急有濟常德府推官
今陞乾州知州陳之龍雖奉旨促赴新陞而監紀防陵
軍兵亦有勞績已上文武各官俱宜分別敘錄者鍾鳴
將雖係加銜之官陣殞亦當議卹此時寇突襄東南陽
內鄧一帶臣親督李重鎮雷時聲陳永福以往而黃麻
等處又報有從南直奔來者復檄催總兵官秦翼明馳
擊楚豫地方遼廓郢郊路徑煩多祖寬牟文綬左良玉
趙柱等俱在靈陝嵩盧剿賊未便輕調也謹題

明大司馬盧公奏議

卷四

三

援豫大捷疏

臣新奉簡書經月之內自麻黃追賊羅信復自羅信回
援郢郊又自承天馳剿豫宛朝夕介馬而馳各賊聞風
宵遁頃於南陽新野道中聞靈陝賊勢重大又屢接按
臣金光宸告急公移卽一面督兵星馳一面塘報達部
本月二十日師次博望據河南監軍道參政戴東旼塘
報爲飛報官兵截剿連獲大捷事內開云到臣據此
看得靈盧陝永賊氛孔棘臣恨不能縮地分身赴援祖
寬騎兵奉旨歸臣標下向因河雒之賊急於汝宛故令
就近督剿今該鎮奮身圖賊斬級至九百餘顆逆賊可
明大司馬盧公奏議

卷四

三

謂一大創之矣此亦援剿第一功也監軍道臣戴東旼
身歷行間悉心調度并監紀各廳勞俱難泯所當一體
查敘者臣今自宛直趨汝州馳會撫按諸臣力圖剿蕩
其豫雒賊情兵力統容另疏上聞謹會同五省督臣洪
承疇河南撫臣陳必謙河南按臣金光宸會本具題

臣金光宸告急公移卽一面督兵星馳一面塘報達部

臣戴東旼塘報達部

臣洪承疇河南撫臣陳必謙河南按臣金光宸會本具題

臣金光宸告急公移卽一面督兵星馳一面塘報達部

援汝連捷並陳剿蕩大局疏

十一月十八等日汝雒告急臣自南陽星夜馳援行次博望據報總兵祖寬汝西大捷已經馳奏矣旋據河南監軍道臣戴東岐稟稱八大王一股被祖鎮殺敗遂勾連西來大賊闖王等各家盤踞汝城西南謦言報仇祖左等兵俱已赴雒應援汝城無兵勢甚危急等因臣遂兼程自襄郟赴汝二十五日二鼓至州隨卽發兵往剿至二十八日申時據監軍道臣戴東岐塘報據監紀同知張大經塘報云等情到臣該臣看得闖王等各家

明大司馬盧公奏議

卷四

三

宛集兼程而馳千四百里合李重鎮雷時聲兩營共步兵五千餘馬兵五百餘連戰兩日乃始擊敗斬馘雖僅一百七十餘顆而賊之死傷於炮火箭弩者難以數計賊馬我步賊衆我寡故當陣未暇割級兵民實共見聞卽不敢言功而將領兵丁血戰之苦暨監軍監紀等官共在行間拮据可謂竭盡心力矣臣謹另開報部以便彙敘今探其苗頭奔向魯山東南一帶如南陽汝寧襄陽承德麻黃俱四達之地衆賊合之固有十餘萬分之亦各有數萬而闖王又第一稱強誰能當者豫楚必將鼎沸矣臣正集兵追擊而總兵祖寬及遊擊羅岱劉肇

基等俱自雒陽領兵馳至臣自叨總理各鎮將俱分頭禦賊未暇面閱今兵馬一時湊集爲數方足萬餘務須親督追剿勢不能分應他方也抑臣更有請焉八年大寇勢衆於卜插毒徧於腹心臣與督臣止有剿法別無堵法止有戰法別無守法蓋守則老師匱財堵則畫疆擁毒皆非剿蕩大局也夫大局必須以兵餉之全籌畫督理之專力其情形事勢仍當專疏奏聞就目前論賊在永宜新澠者三四股眈眈欲窺北渡臣已飛會河南撫按以援剿總兵左良玉遊擊趙柱都司朱三才等客兵七千餘又遊擊陳永福陳治邦李雲程等河南主兵三千餘共一萬有奇視賊緩急而禦之其在汝維魯召者五六股大勢俱已南奔臣親督監軍道及援剿總兵祖寬副將李重鎮等客兵七千餘又副將楊世恩雷時聲等湖廣主兵五千餘共一萬零視賊分合而擊之此外尚有羅岱劉肇基二將所領援剿馬步兵一千五百名刻下暫隨臣調度再視南北各股之賊緩急分合而調遣之一面又馳會督臣洪承疇若秦寇無多卽從潼關抵豫親臨合擊其河北防河則有董用文之兵鳳潁應援則有牟文綬之兵目今潁未告急賊在中原牟文綬或畱之豫地以當賊向後天氣漸和寒冰解凍董用

文或激之渡河以協剿此又須審勢相機與撫按諸臣
臨時確酌未可拘擬也謹會同五省督臣洪承疇河南
撫臣陳必謙河南按臣金光宸謹題

明大司馬盧公奏議

卷四

五



撫臣陳必謙河南按臣金光宸謹題

臨報節請未可拘擬也謹會同五省督臣洪承疇河南

撫臣陳必謙河南按臣金光宸謹題

懇辭楚撫疏

臣兼程援雒師次汝州督剿闖王等大賊已另疏馳奏矣顧臣楚撫也楚地之廣倍於他省且十藩封在焉而皇陵所係尤非他省可侔臣叨總理之命兩月來從德黃而羅信從羅信而承襄復自承襄而南陽自南陽而汝雒計程已馳四千餘里計地已歷六郡有餘戴星披堅倚馬拜疏敢言勞瘁寧憚艱辛乃臣向在楚中雖有賊數股入犯而旋挫旋遁卽汝寧南陽一帶接踵告急及臣至彼賊亦宵奔迄今至汝雒而賊衆且強則從來所未見者始知豫撫支持之難也二十七日汝西一戰

明大司馬盧公奏議

卷四

五

破釜沉舟不遺餘力闖王等大賊始被創一番而終非大捷今豫中徧地皆賊或奔三楚或犯江淮或窺北渡豕突鴟張賊情非旦夕可盡東援西剿兵機非呼吸可通臣去楚旣遙慮深兼顧若楚中告急雖不敢不竭晝夜之力以飛援而瞬息安危封疆曷可嘗試况臣自鄖移楚於今又五閱月矣始而駐襄兼顧旣而出境援剿在臣衙門止住五日楚境至繁之案猶如山積諸凡沉閣之務不下百千甚而欵件亦皆耽延不遑經理刻刻憂心如焚夫以封疆之事如彼地方之事如此循名責實報稱何從况臣官謂之總理明乎其有分理者在焉

臣於五省爲總理之人於楚省依然分理之人也勢處萬難心長力短躊躇再四莫若於中外諸臣簡任一人以肩楚事使臣得安意辦賊竭心力而爲之庶幾可報聖恩於萬一倘謂疆事倥偬急需料理則按臣余應桂現今居守皇陵勞深績茂其才品迥出尋常於楚中兵將及官評吏治不啻駕熟鞭輕卽以爲撫而另遣巡方亦屬便計蓋天下事惟能著著實做不避勞怨又以清嚴剛正馭之自可同心共濟按臣固臣所深知深信者也臣動念卽從封疆起見寤寐思爲朝廷樹人倘有一毫規避之心難逃皇上斧鉞懇祈聖斷立賜施行全楚

明大司馬盧公奏議

卷四

三

幸甚微臣幸甚謹題

剿蕩三大機宜疏

謹題爲剿蕩須審大局兵餉須握全籌督理須盡專力
謹再陳三大切要事宜特請明旨敕部確覆施行以早
勤討賊至計事竊照微臣任事者也非議事者也維當
一意辦賊豈宜屢疏瀆陳願封疆民命所關任議原非
兩局而兵機賊情所係呼吸便爾異形臣前疏曾謂知
無不言爲無不力卽一刻一圖維猶恐爲之不盡也卽
一刻一拜疏猶恐言之未詳也是以剿寇十要如辦餉
籌兵用人任將設險五事已經條奏荷蒙皇上俯採芻
蕘尚有定功罪明分合專責成以民攻賊以賊攻賊五
事未敢冒昧敷陳必須剿蕩大局兵食全籌督理專力
確有成畫後五事方可次第力行也何謂剿蕩大局賊
橫逞八年狂奔七省擁衆四五十萬分股百十餘營氣
候成矣其爲害實前代所未聞而視卜插爲更甚也臣
與督臣有戰而無守有剿而無堵而各省撫臣仍宜且
戰且守且剿且堵主客馬步奇正之兵缺一不可更須
以天時地利配之目今天氣嚴寒河冰易結強寇耽耽
北渡深慮震驚畿輔及分蔓山之東西此時大河南河
防兵萬餘猶存乎見少也轉盼春融則此兵皆可爲戰
爲剿矣黃流天塹但使羣賊從秦晉河北而來者不復

仍奔秦晉河北而去豫楚江淮之間尙可收拾卽以中邊物力全注於此而向後所全政多維繇秦而奔豫楚南直復繇豫楚南直而奔秦萬徑千山安得長城爲界若欲以兵守之一路千兵十路萬兵百路則十萬兵矣而賊奔之路又何止百也倘令厚餉多兵畫疆爲守僅供戍卒之用不幾以山谷爲軟困擲金錢於坐糜乎臣審度天時卜插每橫於秋冬而春夏多不敢蠢動今宜多調咸寧甘固之兵以屬督臣多調薊遼關寧之兵以屬微臣旗鼓相當各分五路不拘秦豫楚直直搗橫衝或迎賊之頭或襲賊之尾或邀賊之中賊分而我亦分

明大司馬盧公奏議

卷四

三

賊合而我亦合猶慮深山密箐峻嶺層崖羣寇易於奔竄騎兵不便攀援容臣會同督撫按諸臣再調川箠滇黔之兵慣於登山涉隘者一二萬以佐騎兵之所不及中外勿惜經費有司勿憚苦難各省直勿吝餉金縉紳士民勿事橫議大家齊心合力效順除寇合天時地利而又濟以人和大戰百餘斬級千萬待賊乞降歸命悔禍投誠然後再議散遣安插潢池旣靖薄賦輕徭卹生弔死保固元氣此則剗蕩之大局也以上一款伏候聖明下兵部確覆何謂兵餉全籌從來處常用文禦變用武是用兵原一變局也而用兵以剿流寇且以剿今日

之流寇尤變中之變者也賊橫而後調兵賊多而後增兵賊橫且多之甚而後再議增調之兵著著已落後局乃兵至而後議餉兵集而後請餉兵至且集已久而後議續請之餉時時寓有危形况乎請未必得得未必敷餒卒從戎則弱爲寇則強是八年來驛騷而調之兵反樹賊黨積累而用之餉適齎盜糧也每見士民之家主僕遠行其從者一日無糧主人對之必有憂色再日則有懼心越三日而危形變態出矣卽從長途稱貸緩急誰依卽或稱貸而得所費必加倍所損不更多乎軍旅情形大率類是而安危利害則千百焉况均之餉也早

明大司馬盧公奏議

卷四

五

一日則軍見德遲一日則兵賈怨均之本色米豆草束也餉有款項有司得以先期料理費省十三餉無款項有司聊且計日支吾費多十五甚而將無作有剜肉醫瘡又甚而重派橫征敲骨吸髓弭亂致亂令人疾首痛心於此而無變計恐殺賊一而從賊百殺賊百而從賊千也欲令賊盡民將與之俱盡矣夫以天下國家之大錢糧兵馬之難分疆而理者各自支吾當局而任者逐時補湊雖繇時勢所迫獨不可通盤打算乎謹查部議兩直豫秦楚蜀堵剿戰守之兵以十萬計分之五省每省仍不過一萬七八千也恐未足當賊姑就此數論馬

兵行鹽糧草每名日支一錢二分步兵月餉行鹽每名日支六分馬三步七計餉一月費銀二十六萬此約略言之也至於米豆料草年來寇患兵荒赤地千里價高數倍大米每石二兩五六錢小米每石二兩一二錢料豆每石一兩六七錢料草每束二三分目前已難措辦向後猶恐日增部中定價止及三分之一是以有司一聞大兵且至人人皆欲服毒投繯以自盡爲幸聖明在上此何等世界而可令有此光景也臣是以千思萬想瀝血嘔心前者辦餉一疏酌議鄉紳士庶因糧輪助并內庫折色及事例廣開合此三項歲可登金錢一二百萬已蒙皇上俯俞若通天下行之猶可擴充其數獨士民輸助以其未食天祿難比鄉官酌理原情凡地糧過十兩以上者方議輸助臣今再四思維咨詢里巷人心不古世道澆頑嗜金如飴躲閃百出田連阡陌者從此而花分詭計又將無所不爲未有濟於公家必徒飽於蠹腹不若簡明直截除大小文武鄉官每兩各輸銀一錢外各省直舉貢監生員及武舉武生吏員承舍以至各衙門快壯阜隸凡有衣冠職役者每地糧一兩各輸銀五分其餘無告之鄉民百姓一概免之似於情理攸當或曰搜索及於吏胥衙役不亦瑣乎臣謂土豪富戶

大半皆以衙役護身若此輩得遺正中奸計斷斷乎不可少也詩云苟矣富人哀此熒獨臣故體皇上如天之仁妄意維鄉民百姓應免耳如此辦餉實實不病民不損國此外所不足者再議題畱公私兩便夫餉旣寬然其有餘地則主客馬步戰守之兵或調或募或增無所不可此則兵餉之全籌也以上一款伏候聖裁下戶兵二部確覆何謂督理專力臣與督臣旣膺討賊之任維賊是求兵機呼吸宜通西北東南似難區別原當分而合合而分者彼以三邊此以全楚兩相牽制兼顧實難督臣向日曾辭三邊微臣近日曾辭楚撫俱出急公至明大司馬盧公奏議

卷四

念敢懷規避私心此當以廷議之僉同上聽聖明之獨斷者維是督理而旣謂之總取其責任與事權相配也剿兵不得分派明旨業已屢頒但各省直撫臣俱有封疆重任一處有賊一處求援一處需兵一處求調不應便成吳越分應何以支持夫粉飾太平尙可調停遷就用兵剿賊豈容委曲游移故督理必有專餉有專兵而後可盡專力臣與督臣須各得馬步戰兵三萬馬三七每月各須餉銀十萬餘金尤必有餉而後可安意調度更祈皇上專委督餉部司二員分管督臣與臣剿兵之餉查催完欠清釐虛冒隨臣等往來庶督臣與臣可

以畢力於兵戎不至分心於錢穀各省撫臣應用戰守之兵題畱之餉聽其自爲確酌專精料理不復用督理剿餉而分督理剿兵以致錢糧之頭緒互淆兵馬之馳驅無定蕩平之效似可計日而成此則督理宜盡之責也以上一款伏候聖裁下吏戶兵三部確覆凡此三大機宜臣不敢一字浮游一言欺飾矢諸天日入告聖明遂不覺披陳盜幅總恃皇上俯鑒微臣之樸忠也抑臣更有披瀝焉今日封疆之吏萬苦萬難冷雨淒風之下紅塵赤日之中鐵馬金戈時時寄性命於鋒鏑豈特鮮居官之榮抑且無有生之樂維恃此忠君愛國之心自爲鼓舞而不倦更藉彼益友良朋之力共相體諒以有成若不問其事之難易不顧其人之生死一味求多責備在識力不堅者必至因人以易向曲事弭縫卽精白自矢者亦且避忌而灰心從何展措頃臣跪捧聖諭我皇上猶曲體羣臣而况比肩事主者乎臣從此誓同督撫諸臣力圖剿蕩之舉謝絕情面應酬是非付之公論功罪聽之朝廷於應盡職業之外毫髮不敢縈心也統惟聖明睿照施行臣謹會本謹題

明大司馬盧公奏議

卷四

三

定止輸餉疏

竊照因糧輸餉先經部覆奉旨通行在各省直縉紳士民除兵荒之地遵依准免其餘力可從心者固無不踴躍從事者也但從來一法立一弊生有司奉行難於盡善微臣剿賊於江北豫楚數月之內所經州縣不下百餘徧察輿情固有明知爲輸助者亦有誤認爲加徵者如此則聖天子之德意下而士大夫之急公恐未必其曉暢也夫偶行則爲助再舉則爲徵因便則爲輸取盈則爲派臣思寇患雖橫且久以皇上之威靈暨文武諸臣之戮力殄滅有期輸餉一節誠可一而不可再者用是不必煩瑣仰乞聖慈敕下該部再一通行省直中飭司道府州縣務遵戶部覆奉明旨事理鄉紳每地糧一兩助銀二錢士民地糧五兩以上每兩助銀一錢其自一錢二錢而外及士民地糧不及五兩與夫兵荒應免之地不得混徵分毫并以一年爲止向後不得借題科派各府州縣鄉邑市鎮多張告示曉諭通知庶幾弊端永杜人情樂輸封疆軍旅均有賴也謹會本具題

剿蕩愆期聽候處分并陳賊勢兵情疏

臣奉命征討維賊是圖日與督撫諸臣同心戮力竭犬馬之血忱以期報稱於萬一乃自四月初旬迄今五月豫楚內地雖暫覺收寧而鄖襄內浙嵩盧靈陝山中尙多盤踞出沒兼聞秦中漢興一帶大賊奔突肆搶臣與督臣各苦地方遼遠難以呼吸相通然彼此公移往來夙夜戴星驅策實未敢片刻怠緩從事也欽限五月蕩平目今轉盼將過臣荷蒙皇上天恩凜承皇上大法撫躬效職竭蹶捐糜事勢旣處極難時日尤虞易逝各賊蔓延八載黨衆股多不能計日掃除上慰聖明宵旰我

明大司馬盧公奏議

卷四

三

皇上卽以大罪加臣臣亦何辭之有下情所以日夕悚心寢食俱廢而終無以自解者也維是踰月以來兵情賊勢不敢不備陳於皇上之前先是三月終旬臣督遼鎮及火攻營諸兵自襄均等處整搦入山搜剿奈羣寇狡於避兵先已遠遁房竹大山負嵎依險窮我人力馬力又值浹旬淋雨楚地卑濕險阻攻殺騎射邊兵無所用其長士馬兼多疾病臣再四思維窮巖絕谷之中倘率師深入必致意外疎虞若坐守襄樊虛糜糧餉且風氣人情不習罽隙易生封疆事重未免於剿寇馭兵之道兩失之矣臣憂心所迫一面拜疏上聞一面會同楚

鄧撫治按諸臣檄總兵官秦翼明副將楊世恩等箠將
鍾鳴臬張大節等川箠兵共八千餘又將臣三月初調
到加銜都司張平等黔兵一千餘扼剿鄖襄而臣於四
月初旬親統關寧之兵自宛入豫蓋豫地漸向西北與
湖廣省澤國不同在邊兵風土稍宜尙可相機調劑以
資緩急且南陽之內浙一帶河南之雒西一帶山多地
曠皆接壤潼關商雒狡賊分股出沒倏忽異形臣會同
河南撫臣以遊擊周維鏞王進忠及豫將陳永福等主
客兵四千扼剿內浙而雒西則有左良玉趙柱等兵七
千扼剿永澠四月二十七日臣次雒陽兩接部咨因關

明大司馬盧公奏議

卷四

三

寧兵馬奉旨命臣酌量遣發又蒙皇上面諭樞臣從長
確議仰見聖明體卹援兵之至仁與圖維剿局之睿慮
眞是恩同天地明並日月者也彼時臣隨具咨覆部仍
與豫撫陳必謙集鎮將兵丁詢其疾苦諸狀激以忠憤
圖功并移會督臣將豫楚秦剿兵剿餉通盤計算督臣
亦馳札及臣謂秦賊需剿正殷雒西關內非復東南水
鄉邊關土馬雖多染疾奔疲就中精銳尙可服習用命
此兵情之宜酌者也至各股大寇維闖王闖將闖塌天
最強次則蝎子塊老猢猻混世王過天星混天星亦勁
除闖將混天星等已經督臣剿撫並用殲散奔逃而闖

王於去年十二月內自秦中突汝雒自汝雒奔江淮其衆不下四五萬人又有曹操搖天動滿天飛南營八大王等附之爲數幾於十萬屢經追殺內如曹操搖天動南營八大王等已俱零星剿散闖王大夥滁州俘斬之役亦鼠竄不遑二月間旋遁登封魯召山中與闖場天合營屯聚目今闖王闖場天蝎子塊等據報俱奔漢興以窺沔略漢南親藩重地誠爲可慮而賊計正狡倘從平竹東回又是荆襄剝膚之患若繇鳳隴西犯仍爲宛雒內潰之憂此外則商雒內浙永盧靈澠山中如老猢猻混十萬興世王瓦背等出沒秦豫接壤之區節經左

明大司馬盧公奏議

卷四

五

良玉周維鏞王進忠趙柱陳永福等分路扼擊屢有斬獲其鄖均山中之賊總兵秦翼明等亦時有捷報俱聽豫楚撫臣具題臣不敢贅臣於五月初三日會同豫撫分發祖大樂兵赴永寧祖寬李重鎮兵赴靈寶日則裹糧負運夜則露宿邊山豫中撫道極地方之物力以供而各鎮將以山險路崎爲辭不能與賊一遇搜剿如此艱難狡賊何時蕩滅况大夥在秦尤不可不急圖合剿預堵此賊勢之宜籌者也總之豫楚秦鄖皆係朝廷封疆臣與督臣皆膺討賊重任不分遠近彼此自當合併以圖此時在豫楚江北剿兵臣前疏通盤計算約三萬

有奇在秦中剿兵近准督臣移稱秦兵約一萬三千有奇又川兵六千除汰過病弱兵丁七百餘名實在五千有奇共該一萬八千有奇今賊之大勢奔秦而豫楚江北援兵雖以客旅久疲人情懷土然病且弱者予以更番休養精且銳者鼓以夾擊互援庶於明旨次第遣發之義宛轉相符臣曷敢拘方偏執維當與督臣審勢相機隨時斟酌另疏馳聞但臣討賊無能致煩聖慮焦勞日甚此身何地自容頃流孽渡江治臣宋祖舜奉旨革職勘議矣郎之殘破孤危微臣向日所身當而目擊也至河南撫臣陳必謙竭蹶中原多收克捷復偕臣夾剿

明大司馬盧公奏議

卷四

七

汝宛戮力行間湖廣撫臣王夢尹新經受事身捍承德聞警星馳其於鄖襄止係兼轄乃二臣亦且議處矣向使微臣督剿江淮豫楚間果能運籌制勝馬到功成各省撫臣豈不易於爲力而臣才實譎臣識實疎敢以地遠鞭長自追厥戾尤當束躬屏息上聽聖明之斧鉞者也謹會同五省督臣洪承疇會本謹題請旨

崇禎九年五月

參唐藩疏

謹題爲藩王舉動破格微臣剿賊過苑謹將情形據實
奏聞事該臣自洛陽選銳入關合剿又親統標兵馳赴
宛襄一帶調度業於六月二十四日拜疏矣七月初一
日行至南召山中聞兵部職方司員外包鳳起齎至欽
頒赦書從湖廣至南陽臣隨於初二日赴郡初三日恭
迎開讀忽聞永壽福山二郡王慘死合郡宗室暨紳士
軍民罔不驚異悼惜臣隨行道府縣等官查問緣繇去
後當據分守汝南道按察使周以典呈爲申報事內開
云 同時據南陽縣知縣何騰蛟申報相同回覆到臣

明大司馬盧公奏議

卷四

五

竊照微臣以討賊爲事者也諸凡理屬地方除兵機賊
情之外概無可言乃今以開讀詔赦至南陽郡城適有
唐藩杖殺兩郡王之事郡王下親王一等所謂宗子維
城本支百世者是也且永壽福山皆唐藩親叔一旦有
此舉動事出非常該道府縣等官俱云奉王面諭當年
永壽福山意在奪財奪位先裕王被鳩而薨今特報父
仇以洩忿王言如此夫燭影斧聲千古莫決茲以莫須
有而慘斃親叔兩郡王天日爲昏宗藩震慄所關非細
故也若地方大小文武官員所遞藩王啟本如襄楚福
惠桂瑞諸王皆係官銜或加一職字從未稱臣今唐王

新頒規式府州縣佐領俱令改職爲臣微臣識見愚昧不知大明會典及宗藩儀注會有此條否但覺臣佐領者臣守令之漸也亦卽臣院道之漸也臣爲此懼矣皇上篤念親藩恩禮宜渥至天經地緯之誼終難假借秋毫微臣剿賊豫楚江北凡五過南陽三次入城啟王兩次追賊倥偬棲宿城外隨卽具本啟知用示敬慎若朝王儀注自有欽頒而唐府一切皆以僭竊爲事臣但從容與承奉司及長史等官正言之令其輔王以善此番臣在唐府朝房忽承奉司及護衛官捧王令旨至傳言接旨臣急起而迎視卽係臣朝王啟本但見將臣本草

明大司馬盧公奏議

卷四

五

書批一長篇後有免朝賜酒飯該衙門知道兩語皆從前所未經見者臣心惕然不敢再閱敬趨而出因念王下筆成章聰明才辨如讀書而知大義守禮以安藩服體皇上仁愛之天心豈非桐封懿軌今乃所爲若此微臣何敢欺隱不一陳於御前也爲此具本謹題

附綏寇紀略五條

薦侯宏文疏略曰原任高平縣知縣侯宏文以守制道阻僑寓襄陽見臣叱馭鄖疆遂投袂而起散私財以募死士介馬從征臣欲昌言其功彼輒長揖告去臣比叨總理宏文以大義規臣意氣凜然因言及中原步兵不能追賊臣思得滇黔之人用之宏文願以孤身奔走萬里爲臣奉檄往募有臣如此敢不聞於主上乎上從其請命爲監紀已而公移任宣雲宏文率所募兵重繭至楚爲後事者所陷以騷驛聞有旨卽訊公不勝憤懣凡三上書帝皆不允

明大司馬盧公奏議

卷四

早

糾秦翼明疏略曰秦翼明疏請援鄖臣壯其志旣而寇突豐陽有功及聞曹文詔陣亡尤世威挫衄遂談虎色變事事觀望不前左良玉近來恇怯以視翼明則彼猶然烏獲孟賁也但其性行純謹尙可鞭策後效

略陳尾擊非過疏略曰州縣庫藏如洗折色萬難措處本色顆粒無資剿兵所至率多閉門堅守惟以身聽參拏臣以功令責之則曰餉銀原無款項從何設處凡剿寇用兵之地卽兵荒應免之地偶有一二完邑所輸無幾不足以供防兵况剿兵乎賊行甚速曰

無定向窮兵力以追之尙虞不及今支領芻糧卽使
隨手立辦定稽半日之程稍遲一日再遲二日斷無
及賊之理矣據臺省動以尾擊責臣等持論非不甚
善但均一剿也有追之者必更有一二重兵或堵之
或扼之始無潰決之患若前無堵者旁無扼者止賴
一追卽有縮地之法遠出其前而賊巧於避兵轉身
他向仍然尾擊也卽欲不尾不可得也

入山搜捕疏略曰豫楚大山縣巨密箐深林馬不能
進賊抵突榛莽出沒無端我兵攀木踰崖日行三四
十里車驢不能饋饟人負米二斗踵兵而往十日糧

明大司馬盧公奏議

卷四

聖

盡遇賊勝負未可知以千兵入需千人運萬兵入需
萬人運過期則兵夫同歸於盡矣可出臣章與有識
參之

議練鄉兵疏略曰賊皆百鬪邊兵驍悍僅能克之宛
雒蕭條若用土團卽販區病坊傭保小兒耳毋乃貽
賊嗤笑乎苟求其便祇應充拓主兵募壯丁買馬費
百億以上從何出

明大司馬盧公奏議

卷四

